

ՀՀ Արագածոտնի մարզպետ Սարգիս Սահակյանի շնորհավորական ուղերձը Ուսուցչի օրվա առթիվ

Սիրելի ուսուցիչներ՝,

Արտանց շնորհավորում եմ ձեզ մասնագիտական տոնի՝ Ուսուցչի օրվա առթիվ: Տոն, որը խորհրդանշում է մանկավարժի մասնագիտության նկատմամբ խորին հարգանքն ու ակնածանքը: Յուրաքանչյուրս առանձնահատուկ ջերմությամբ ենք հիշում մեր ուսուցիչներին, ում խորհորդները ուղեկցում են մեզ ողջ կյանքի ընթացքում:

Սիրելի ուսուցիչներ՝, ձեր դժվարին ու միաժամանակ հետաքրքիր աշխատանքով դուք չափազանց կարեւոր դեր ունեք մեր երկրի ու հասարակության համար: Ձեր իմաստնությամբ, մասնագիտական կարողություններով դուք կրթում ու դաստիարակում եք սերունդներին՝ նրանց փոխանցելով մարդկային լավագույն արժանիքները, ձեր գիտելիքներն ու հմտությունները, ինչի համար մենք երախտապարտ ու շնորհակալ ենք ձեզ:

Վստահեցնում եմ, որ կրթությանն առնչվող բոլոր խնդիրները մշտապես ՀՀ իշխանությունների ուշադրության կենտրոնում են, քանի որ կրթությունն ու գիտությունը մեր պետության կենսագործունեության գերակա ուղղություններից են:

Մեկ անգամ եւս շնորհավորում եմ ձեզ եւ մաղթում խաղաղություն, հաջողություններ՝ ձեր ազգանպաստ առաքելության իրականացման գործում: